



UNIVERSITÄTS-
BIBLIOTHEK
PADERBORN

**Praxis Iurispatronatus Acquirendi, conseruandiq[ue] illud;
ac amittendi modos breuiter continens**

Viviani, Giuliano

Romae, 1620

Cap. 6. Omnes possunt acquirere iuspatronatus, qui non sunt prohibiti.

[urn:nbn:de:hbz:466:1-61772](https://nbn-resolving.org/urn:nbn:de:hbz:466:1-61772)

CAPVT SEXTVM.

Omnes possunt acquirere iuspatronatus, qui non sunt prohibiti.

SUMMARIVM.

- 1 *Edictum de iurepatronatus est prohibitorium.*
- 2 *Mulier potest acquirere iuspatronatus.*
- 3 *Masculinum concipit femininum.*
- 4 *Mulier non acquirit iuspatron. quoad ius processionis.*
- 5 *Iudeus non potest acquirere iuspatronatus. 11 Et si fiat christianus, non recuperat.*
- 6 *Nec hareticus.*
- 7 *Nec schismaticus.*
- 8 *Nec apostata.*
- 9 *Nec infamis.*
- 10 *Nec excommunicatus.*
- 12 *Nec simoniacus.*
- 13 *Ecclesia potest construi de bonis prohibitorum donatis.*
- 14 *Illegitimus potest acquirere iuspatronatus.*
- 15 *Vniuersitas, Collegium, Ciuitas, & Capitulum possunt acquirere iuspatronatus.*

1 **E**dictum de iurepatronatus est † prohibitorium, itaut omnes ex fundatione, constructione, & dotatione acquirere possint iuspatronatus, qui non sunt à iure specificè prohibiti, idque ex gratia procedit: & ratio est, quia in iure omnia licet, quae non reperiuntur expresse prohibita. l. statuas. C. de relig. & sumpt. fun. maxime in hoc opere pio. Lambert. de iurepatr. lib. 1. par. 1. q. 7. art. 1.

2 Et ideo mulier † etiam potest acquirere ex causis praedictis iuspatr. vt probatur ex cap. nobis de iurepatr. & ibi Inn. & Io. And. in verbo si quis, & Io. And. in verbo si quis, quando enim dicitur si quis, tam masculus, quam femina continetur. l. 1. ff. de verbo. signif. vbi glos. dicit id esse quoad mentem legislatoris, cum masculinum concipiat femininum. not. in. c. si quis suadente 17. q. 3. in c. generali.

rali. de elect. lib. 6. vbi glos. cum profertur à lege. Iason. in l. si quis id quod. num. 1. ff. de iurisd. omn. Iud. non tamen † mulier iuspatr. acquirit quoad ius processionis, nisi esset mulier illustis. Lamb. vbi supra. art. 2. num. 30. & de hac limit. num. 48. ibidem.

5 Iudæus autem † nullo modo potest acquirere iuspatr. ecclesiarum, c. piæ mentis. cap. Frigentius, & c. quicumque fidelium. 16. q. 7. late Lambert. art. 3. & præsertim num. 21. sed † ecclesia, seu altare erit liberæ collationis. Lambert. art. 9. Hæreticus etiam nullo modo potest ex causis supradiçtis aliquid faciendo acquirere iuspatronatus ecclesiarum, nec ex successione per dictum c. piæ mentis, & seq. est enim infidelis, & extra ecclesiam. c. 1. 2. & 3. de hæreticis. c. firmissime. de hæreticis, & dicuntur porci hæretici. c. in mandatis dist. 43. & de hoc latè Lambert. art. 4. num. 4. & seq. vbi supra. Schismaticus strictissime sumptus † pro eo, qui diuidit se ab unitate ecclesiæ Romanæ, constituendo sibi ecclesiam,

& sacerdotes, vt per Abb. in rubr. in princ. ext. de schismaticis. talis tanquam verè hereticus, & infidelis non acquirit iuspatr. si tamen à schismate reuertatur, & admittatur ad ecclesiæ unitatē, recuperat iuspatr. ecclesiæ ab eo fundatæ, dum erat in schismate, de hoc vide Lambert. vbi supra. art. 5. num. 3. & 6.

8 idem fere † in apostata. Lambert. art. 7. & 11. Infames etiam † acquirunt iuspatr. tantum habitu non actu. Lambert. vbi supra art. 8. quia est ius honorificum, quod non competit infamibus. Din. in c. infamibus. de reg. iur. lib. 6. Excommunicatus ante factum non acquirit iuspatr. id est non est habilis ad iuspatr. nec debet admitti, & male facit Episcopus illum admittendo. sed post factum, id est post quam ædificauit ecclesiam, vel alia fecit cum consensu Episcopi, qui illum admisit, bene efficitur patronus, sed exercitium non habet, id est non exercebit, donec erit excommunicatus, ea, quæ pertinent ad patronum ante absolutionem. cap. nobis. de iurepatr. & ibi Cardin.

- din. num. 6. q. 5. & Abb. nu. 3. & communiter Doct. Lambert. vbi supra. art. 10. & 11.
- 11 vbi quid si Iudæus fit Christianus, an recuperet ius patronatus ecclesiæ fundatæ, dum erat Iudæus, & quid de Hæretico conuerso? pari ratione
- 12 simoniacus ꝛ nō acquirit ius patronatus, cum & ipse sit Hæreticus. Host. in summa. tit. de Hæret. §. 1.
- 13 Si autem infamis ꝛ excommunicatus, vel similes donēt bona sua Seio, potest iste donatarius ecclesiam construere & dotare, & acquirere ius patronatus, prout in simili gloss. in cap. vnico de iurepa-

tron. lib. 6. verbo semestre, nisi res subiaceant restitutiōni. Illegitimè ꝛ autē nati sunt capaces omni casu iuris patronatus. Lambertin. dicta q. 7. art. 13. & pupillus, & infans. cap. nobis. de iure patronatus qui textus generaliter loquitur. personæ etiam fictæ sunt capaces, & acquirunt ius patronatus, vt Vniuersitas, Ciuitas, Capitulum, Collegium. gloss. 1. in cap. piæ mentis 16. q. 7. & est communis opinio, de qua Archidiac. in c. si plures. 16. q. 7. & Card. in Clement. plures. §. finali q. 3. nu. 3. de iure patronatus.

CAPVT SEPTIMUM.

Quid dicendum de ecclesia matrice, intra cuius limites fundatur ecclesia, an matrix efficiatur patrona nouæ Ecclesiæ?

SUMMARIUM.

- 1 Ecclesia matrix, quando fiat patrona ecclesiæ fundatæ intra suos limites.
- 2 Papa est supra omne ius-

patronatus.

- 3 Capella si erigatur in Ecclesia, ratione fundi ecclesiæ fit patrona.
- 4 Rector edificans ecclesiam de bonis suæ ecclesiæ, ecclesiæ acqui-